

# iDusidusi ni Kena Saumi na Taro

Na cava o dau cakava ni tarogi nomu vakabauta? E macala ga ni o dau lomaleqa. Wilika na ka e tukuna o Jeremaia kei na ka e vakayaloqagataki koya kina o Jiova ena Jeremaia 1:6-8. A vukei Jeremaia o Jiova, ena vukei iko tale ga mo wasea na ka o vakabauta!

O na nuidei tale ga ke o vakavakarau. Dou rai vakavuvale ena "Taro e Tarogi Wasoma me Baleti Keimami na iVakadinadina i Jiova" ena jw.org. (Rai ena BALETI KEIMAMI > TARO E TAROGI WASOMA.) Digia na taro o na rairai tarogi kina. Wilika na kena isau. Dou veivosakitaka se dou na vakamacalataka vakacava ena nomudou vosa ga. Dou vakatovototaka tale ga. Vakalewena ena vanua vakarautaki na taro o na rawa ni tarogi kina. Vola nomu isaunitaro ena ikarua ni vanua vakarautaki.

